



钟振振(江苏·南京)

注:古无“她”字,此从今音。

马来西亚森林城市凤凰酒店望
新柔海峡

雨帘垂蔓护晴窗,百尺楼高起凤凰。
好看新柔澄碧海,波心点点走渔艘。

马来西亚森林城市远望海峡对岸
新加坡灯火

海线遥看璀璨明,快哉风起倚栏听。
光年十万都吹落,编出星洲一岸星。

马来西亚新山市金海湾公寓
暖心标语接还家,百尺楼窗对品茶。
正是夕阳金镀海,佇看秋水淪红霞。

敦煌鸣沙山月牙泉

英气能鸣百丈沙,风情底事咏蒹葭?
才醒春梦睜泉眼,便转秋波抿月牙。
一例温柔猜任我,十分冷静默由她。
夕阳在水红真湿,莫道镜中空幻花。

星 汉(新疆·乌鲁木齐)

荆轲塔

高塔刺天破,红霞溅上方。
秋风临易水,落日下咸阳。
兵略燕丹浅,铁蹄嬴政狂。
我来西望久,千里只苍茫。

访真德秀西山故里

先贤千载后,应在白云间。
一带江山丽,四围花木闲。
衣冠思北宋,学问老西山。
魂魄归来也,殿堂门未关。

登黄金台

登台仰首向青霄,一雁呼群破寂寥。
大野秋风犹抱树,远山落日更添烧。
千金市骨今何有,七国争雄事已遥。
我是鹏游吟啸者,无心此地拜燕昭。



谒谢翱祠堂

南浦溪边我拜君，堂前黄叶落纷纷。
伏刑燕市乾坤见，痛哭严陵今古闻。
玉带生书唐珙事，冬青树认宋王坟。
心思不用多吩咐，自有秋风读祭文。

注：玉带生为文天祥赠谢翱之端砚名称。
谢翱有《冬青树引别玉潜（唐珙）》。

登梦笔山

竹林十里扫天蓝，送目登高不自谦。
夜雨沙村初净路，秋风萧寺久巡檐。
千年人物随云落，一代文章对日添。
掌下山河待挥洒，无须还笔学江淹。

自酌后沿南浦溪

风景相随我不孤，醉时古柳自来扶。
平波难耐秋风卷，凌乱云霞十里图。

徐弘道（浙江·杭州）

哈瓦那杂咏（八首录四）

一

落地机场便不同，此间上下一片红。
宁知景物友多谊，中集华为与宇通。
注：机场“旅客登机桥”为“中集公司”建，
过道有“华为”标识；长途汽车上有“宇通
公司”遮阳帘。

二

夏日炎光送热波，人衣趋爽黑肤多。

每逢黄种疑中国，“你好”频频感几何？

三

馆前座椅伞遮阳，击鼓弹弦闹大堂。
歌舞声传街巷外，酒家处处引人狂。

四

借居饮水买春泉，投醉用餐开酒筵。
若求进出平衡术，先备店家如厕钱。

孙 才（广西·柳州）

谒陈寅恪故居未得入览有感

康乐云楼独闭门，阴阴苔径照黄昏。
空留身后名千载，惟剩园前像一尊。
客里流离何日了，天涯零落几人存。
半襟心事同谁说，此别依稀遗梦魂。

除夕夜看烟花

未著芬芳二月花，漫天绮梦不须赊。
空中绽放新希望，朵朵春菲入万家。

黄浴宇（浙江·嘉兴）

遵义行

（丁酉年初冬，携震宇、于能兄赴贵州遵
义，出席全国首届红色诗词论坛。期间，进
行论文交流，访遵义会议旧址、娄山关、诗
词馆，游红果树景区，得七绝四首。）

遵义会议旧址

山如奔马水如歌，一路逶迤浩气多。

肃穆小楼宛然在，当年树影已婆娑。

娄山关(词韵)

山路纤弯夹翠峦，索桥飞挂漫云烟。
雄关拜托双枪将，从此神州卷赤澜。

红果树景区(词韵)

林幽洞险石阶残，瀑挟冰瓊拂面寒。
洗肺洗心还洗眼，果然真水绿如蓝。

诗词馆

银蛇蜡象见胸襟，大雨幽燕感哲心。
千载风涛俱销尽，雄文犹可一沉吟。

傅震宇(浙江·海宁)

绍兴三题

柯岩

山削孤岩出，巉岈欲抵天。
宕深空万匠，柏古越千年。
化日禅龕烛，青霞炉柱烟。
初来仰云骨，三匝益恭虔。

鉴湖

越中山色里，一鉴耀平波。
纤道藓痕密，苇汀凫羽多。
风回东汉笛，烟没马臻蓑。
望处乌篷小，悠悠载棹歌。

鲁镇

迅翁文本在，翻作市坊图。

步步堪登石，家家尽枕湖。
光阴回百载，风物话三乌。
故事从头听，还来傍酒垆。

知 硕(浙江·海宁)

访史山寺

经阁藏青嶂，山门向野开。
一陂玄磴静，尽日白云来。
高树出禅院，斜光落草莱。
钟声忽敲晚，有客不曾回。

出行遇雾

仙气从天降，重重掩一城。
人来难辨影，东去只闻声。
大地粘尘湿，高楼因火明。
而今看胜境，何必到蓬瀛。

姚晰频(浙江·海宁)

五大连池

底事瑶池坠入尘？许教王母亦痴嗔。
琼浆惯饮犹嫌薄，宁作湖心一片鳞。

至倪云林的极致孤独

枯树安堪洗？虚亭怎忍长。
空山停远鹤，一曲意微茫。

八声甘州

(乙未盛夏，余随省审计厅项目组赴绍兴
嵊州出差两月余，期间每周过嘉绍大桥，



来回于海宁嵊州,虽舟车劳顿,然工作所需,亦无怨言。感此。)

正红衣绿叶盖华池,紫薇下腰时。叹艇湖塔远,剡溪水澈,越语迷离。溽暑更添紧迫,无意作新词。叶叶风车转,碌碌谁知? 车跨钱江南北,挂烟尘几许,来去风驰。望潮平岸阔,白鸟急思归。厚山脊、遥遥无际,不如呼、朋侣共翻飞。心安处,他乡故水,一字同题。

马继清(四川·射洪)

春分节野游卧条椅享日光浴

春分沐艳阳,欣卧浴芬芳。
江澈澄山影,天高乱鸟行。
初花开宿木,清露酿新浆。
蝶舞催眠意,蜂吟馥梦乡。
槐安辞骊马,素茗就词章。
微汗熏蒸醒,金波漾玉觞。

卜算子·涪陂漫步

信步履江边,白发轻风昵。索寞园中几点红,敢傲冬寒气。 童犊出清波,剑叶高枝戏。一脉苍山隐荻芦,不隐青春志。

李鸿楷(浙江·瑞安)

张家界行吟

缆车飞骋越岩峣,展眼千峰竞折腰。

岚影霞光开画卷,奇松怪石斗妖娆。
山崖起舞腾风绿,云海奔涛入望遥。
锦绣灵山仙世界,吟思随梦到重霄。

沁园春·同窗崇聚畅游张家界

路指湘西,心醉风光,车载笑声。步武陵仙境,峰峦叠叠;银河飞瀑,珠玉莹莹。怪石如仙,奇岩似兽,百态千姿栩如生。登高处,看霞光岚靄,异彩纷呈。 通幽曲径花明,转眼见、云屏拔地横。喜天开画镜,蓬莱惊现:插空玉柱,且把天擎。壑谷瑶池,平波澄碧。迎客松篁别有情。虽归矣,尚留连斯景,疑梦中行。

蓝旭志(广西·马山)

登白马山

白驹何岁到林泉?应是边关唱凯旋。
诗客留题多作古,山形跃势尚嘶天。
登临盛会雷催雨,指顾雄图梦待圆。
海岛投戈归顺日,崖前再续太平篇!

题卧云洞

萝帘无酒亦无箫,苔径通幽访寂寥。
一洞晴云容客卧,满山秋荻任风摇。
笏仙喜有弹琴处,蛩语唯闻动魄潮。
最羨蓬莱尘不染,今生欲此作渔樵。

李明华(湖北·蕲春)



题云丹山火焰洞(亦名虎引洞)

僧言名虎引,终岁住烟霞。
门小能容日,风多难著花。
栖云岩树倒,作路石梯斜。
长在居高处,逢春物自华。

偕小鲁游蕲北花园

又作苍茫看,未霜红叶稠。
一湖平镜水,几点小螺丘。
岭叠斜阳远,林深轻霭浮。
归途仍在忆,龙井曲溪流。

周晓莹(新疆·鄯善)

忆游杭州皋亭

霜藏深匣带龙腥,辜负江湖一片青。
恨不飞天除鹤栅,谏难投檄鹿尘听。
孤心毕力空拘束,千古余情枉警惺。
可惜关河春万里,桃花如雨落皋亭。

瑶台月

云衣鹤颈,回望处、江湖本是同姓。
乘流小舸,载酒当时相认。杯倾也、醉语狂歌,欢尽也、波平波醒。
归霜旦,思春信。斑斓泪,垂汀滢。休证。生涯别恨,多来难省。更今日、追忆空摒。
尽过眼、销魂浮景。花开到花残,总非人定。转茫茫、飞雨横川,付郁郁、深宵愁病。
零星梦,觅陶径。纵寻得,怎乘兴。休逞。光阴只在,茶烟中听。

虞美人

经时细雨新晴少,剩著寒星小。
窗前流影似孤灯,唯待美人云外遣春声。
长风浩瀚今宵咽,有梦还如缺。
相思未只在天涯,犹向此心归处好为家。

王双武(江苏·泰州)

明皇陵怀古

依稀往事锁清愁,岁月无情春复秋。
山脚碑高云漫漫,花前蝶舞梦悠悠。
时来每见星烘月,气尽何堪水覆舟。
昔日恢宏何处是,萋萋荒草掩龙头。

庆元街古韵

老街觅句正从容,阅尽沧桑帆影空。
孙府门前残墨砚,戚家壁上旧雕弓。
长堤寂寞云天外,十里繁华淮水东。
岁月悠悠怜老去,一襟汉雨共唐风。

张忠梅(上海)

游琅琊山题醉翁亭

太守宴游处,琅琊溪水幽。
醉翁何所醉?忧乐在心头。

宋国强(北京)

登天台山

山岭碧重重,风微雾气浓。



莓苔经雨滑，竹径付云封。
鸟静观蝴蝶，蝉嘶抱老松。
棋亭新客到，寺里几回钟。

登北京翠微山

碧瓦朱楹八寺连，进香争路客摩肩。
夏朝槐树春祈福，明代僧房暗结缘。
日照光腾岩岫外，钟鸣灵聚塔台前。
我游此地非为法，佛号随风过耳边。

曾令山(湖北·监利)

老长河边漫步

最喜原生态，同俦相约寻。
青青堤畔草，绿绿树间阴。
流水观清浊，来人问浅深。
岸边“河长”责，字字胜千金！
注：如今我地农村主要河流管理实行了
《河长责任制》，由乡镇党委书记任“河
长”。

田家土地

一根红线谁为主？万里春风我脱贫。
播种耕耘心尚定，务工流转业弥辛。
盈仓岂止千畦地，沃土能供十亿人。
颁证历朝前未有，今贤最是福农民。

傅瑜(浙江·云和)

鹧鸪天·再游西溪湿地

金柿飞红满树桠，福堤漫步采诗

花。蒹葭摇曳迎骚客，游艇掀波披彩
霞。穿竹径，访农家，推心置腹
话桑麻。柳梢喜鹊喳喳叫，邀我高庄
去品茶？

临江仙·游白云山森林公园

正值金秋游兴起，轻车直上鹏
霄。满湾秀色醉陶陶。林间黄鸟唱，足
下白云飘。蔽日摇风浓蔭罩，流
泉哼起歌谣。一周劳顿霎时消。休闲
来此地，胜似饮甘醪。

刘丙立(河南·长垣)

秋 日

西风随节至，秋气自然生。
碧宇霜鸿度，黄花晚蝶萦。
叶残千万片，蝉咽两三声。
游子登高望，潜潜动客情。

彭砺志(吉林·农安)

题居庸关

雄关千载踞山巅，多少鞑靼马不前。
卫我京师称锁钥，居庸叠翠久流连。

赞豆腐

身躯洁白玉是魂，每向餐桌夸不群。
贫富皆宜一道菜，几多食客梦留痕。

赵庆华(山西·临汾)



春游汾河公园

相邀汾水畔，日影几婆娑。
淑气催黄柳，清风漾绿波。
不知霜染鬓，只忆燕追蛾。
回望茫茫路，何时可放歌。

秋 韵

野旷云轻日影偏，苍鹰展翅几回旋。
众人仰首争留照，却是髯翁放纸鸢。

朱洪滔(江苏·盱眙)

登 山

万变原来出一宗，禅机悟了自从容。
老翁料是山山像，坐看前峰不过峰。

邻 家

他住西厢我住东，东西只隔栅栏中。
空观桂子香难得，独欠西来一阵风。

李文庆(上海)

江南春·车经上虞作

山隐隐，柳青青。车游乡国梦，心涌少年情。
斜阳村野含芳思，拾得新诗秋水清。

参观河姆渡遗址

久闻河姆渡，遥想七千年。
猎兽凭群力，绩麻经口传。
草房连叠叠，金稻望田田。

岂有纷争事，归真思乐天。

蔡 建(江苏·仪征)

少年游·高邮东湖湿地公园

杉林滴翠滤骄阳，白鹭舞双双。
风车摇韵，龙舟载乐，波漾藕花香。
最奇野鸭闻歌翥，倩影靓三江。
泽国明珠，天然云锦，真趣溢诗行。

唐云龙(福建·厦门)

与诗友登山

未曾一醉总痴嗔，今请将军做证人：
他日重逢不需菜，只将酒胆佐诗魂。
注：该山顶有郑成功将军像。

参观葡萄干房

广纳清风不置帘，杆头碧玉已纤纤。
吾今欲把闲身晾，褪去烦忧只剩甜。

王 珍(陕西·西安)

题梁带村遗址

两周芮国遗珠地，梁带村旁水岸西。
玉琢猪龙同岁老，金雕剑鞘向天齐。
前朝雾锁秦川树，往事尘封朱阙泥。
唯有黄河知就里，却无一语破谜题。

登黄河龙门

跃上龙门眼界宽，黄河浪卷水云寒。



声威雪羽风中坠，势夺长虹雾里看。
去日渡船行不易，今朝天堑越何难。
桥通四海连山近，更有千帆下远滩。

王跃农(甘肃·甘州)

甘州滨河新区湖畔游(新声韵)

初雪迎冬草尽枯，琼花串串挂珍珠。
麻鸭冰面俏皮立，乐与游人摆美图。

西江月·张掖百万亩制种玉米再获丰收

身沐无边秋色，车拉满地金黄。
村姑比赛戏言狂，忙里偷闲对唱。
翻晒一年惊喜，加工百万辉煌。
增收种业有良方，插上腾飞翅膀。

马兴文(河北·唐山)

重阳节登碣石山抒怀

岁岁重阳日，登高忆旧游。
孟嘉曾落帽，宋玉亦悲秋。
冷雁穿云过，清泉破谷流。
寒松迎野鹤，对羽贺白头！

杨学军(江苏·南京)

过盱眙都梁山

都梁一过知天碧，从此心窗透浅蓝。
未见浮云攀石壁，却闻神马越溪潭。
秋来雨疾尘埃落，暑退风高诗酒酣。
兴起登峰舒望眼，瞳光直达海之南！

为《坝上金秋》题照

坝上心仪久，相逢不约同。
镜圆收古趣，湖阔漾奇峰。
风冷红霞暖，蹄腾碧草汹。
残阳空半舞，景在一挥中。

蔡圣波(浙江·瑞安)

乘筏游楠溪江

松竹澄波水里鲜，四周清彻净无烟。
千峰随筏移山影，毕竟江中也有天。

游楠溪江龙湾潭森林公园

葱茏山色水悠悠，古树参天亘古留。
世外仙姬忘岁月，山间青鸟识春秋。
千峰竞秀风光丽，万壑争流草木稠。
今日寻芳欣纵目，林中胜景任遨游。

张景芳(吉林·农安)

题松花江渔场

故地重游放眼量，丹参硒稻小荷塘。
老知青钓当年梦，仍在春山云水乡。

题引松水利工程

重游惹我忆曾经，往事如歌洗耳听。
扁担悠悠挑日月，丹心耿耿对雷霆。
劈山给梦修条路，引水为春栽片青。
百里长渠风叠浪，功垂大地一碑铭。



王梦瑶(吉林·农安)

松花江行吟(三首)

一

蛙井之中叹逝川,从来有梦未成全。
今朝放我松江上,一橹摇开万里天。

二

常惧江湖险象生,青山邀我水中行。
接天一碧藏深浅,倚看舷边波不惊。

三

清波浩荡远舒眸,心绪安如不系舟。
鼓袖江风飞欲急,翩翩化作水中鸥。

易建国(湖南·长沙)

武陵源绝壁松

泉声滴梦中,绝壁挂奇松。
根错岩犹裂,枝繁路欲封。
凌寒凭傲骨,据险也从容。
莫道秋萧瑟,层峦翠色浓。

金陵览胜

阅江楼上瞰金陵,秋水钟山一色清。
缓步秦淮聆古曲,回眸贡院数芳名。
莫愁湖上风帆远,夫子庙前灯火明。
故国雄风重振起,豪华竞逐石头城。

谢勋烈(四川·宜宾)

阮郎归·白帝城

夔门遥忆岁匆匆,江舟斜日红。
水狂涛恶古今同,三分如梦中。
峡峭险,碧天空。哀猿怨晚风。巴
人一去影无踪,星寒栈雾浓。

西江月·襄阳古城忆旧

犹记花途莲径,重寻堞哨城垣。
春光几日趁红颜,酒盏弦歌醉宴。
楼过楚天鸣鹤,峡啼江晚愁猿。
流光似水水无还,何苦鹃声长唤。

邓勇(四川·剑阁)

归蜀即赋

且向东游说烂柯,宽肠渐细奈其何。
今番识得家乡味,烧烤干锅更火锅。

谒邓艾墓

贫贱安期万户侯,奋威曜武著春秋。
一门父子曾征蜀,三国渠魁顿失刘。
孤玉山中安骏骨,洛阳城内报新忧。
至今九域津津道,彰顺儿时却放牛。

丁梦(河南·南阳)

南 阳

三千汉画胜华章,五圣风云问帝乡。
涓水情深深几许?伏牛遥指卧龙岗。

雪 花



怀抱山川本色留，此花开后百花羞。
纵然回首无踪影，依旧欣欣斗九州。

季传富(湖南·岳阳)

登高

寻幽歇脚半山巾，远别尘嚣来采风。
壑底烟光飞画意，崖前日影抱诗丛。
洞庭波涌千帆远，佛殿灯摇万事空。
绝顶放眸生感慨，小康路上尽葱茏。

朱少山(广东·东莞)

汨罗秋望

寂寂暮山摇落处，凄凄泽畔涉漓湘。
思君皆醉新亭泪，愁予独清感遇章。
遗恨问天抒橘颂，孤忠报楚赋国殇。
辞高旨远歌慷慨，逸响卓绝日月光。

熊少华(江西·南昌)

承德避暑山庄

品完松柏品梅香，野趣自来诗一行。
殿宇楼台依旧在，琉璃瓦上数兴亡。

游秦皇求仙入海处有感

一统江山身后名，开疆扩土筑长城。
仙丹不老求何处，还未长生先丧生。

沈建浩(广东·陆丰)

鹧鸪天·黄洋界

怪石迷烟涧水流，黄洋界上翠悠悠。
登临远眺抒雄阔，最喜关山炮声留。
碑屹立，傲神州。丰功伟绩可回眸。
层林尽染清风秀，不忘初心国泰猷。

渔家傲·挑粮小道

翠竹生风烟叠路，挑粮小道迷濛处。
往事苍茫连雨雾，低声语，红旗猎猎当空舞。
信仰从来坚且固，超凡胆略丹心驻。
谁道丰碑留不住，休归去，元勋脚印轻轻数。

张耀祥(吉林·农安)

题拥水公园

缓步长堤听柳莺，置身画卷每堪惊。
蝶穿小径花犹艳，笛弄晚风蛙正鸣。
七彩虹分时雨色，一湾水绕好心情。
桃源仙境今何处，且向黄龙府里行！

李含江(台州·临海)

中秋访杭州八卦田遗址

又是一方生面开，水光云影共萦迴。
轻风终向山中歇，秀色始从枝上裁。
笑把讽嘲当八卦，勉将儒释合三才。
当初南宋籍田处，阡陌斜阳浊酒杯。

长白山巅眺远



高巅恍惚入苍穹，眼底乾坤大袖中。
圣水千年凝白练，乱云万里幻青骢。
总将旷野浮岩黑，衬就满清斜顶红。
八百春秋一场梦，至今还剩几枭雄。

湖州访白雀山法华寺

净山尚远映浮屠，恭听梵音犹漏珠。
口吐禅经栖白雀，舌生菡萏出麻姑。
何须真假菩提有，只恐是非般若无。
方外当知方内事，环湖堤岸尽流苏。

辛风杨(河北·阜平)

再访居庸关古长城

此时不见雾茫茫，垒垒青砖一梦伤。
烽火台窗收万壑，滑阶屐履印千行。
也哀苦隶多灾难，更叹金瓯固若汤。
钢铁飞龙今鹊起，海空陆路舰巡忙。

溪滩拾趣

花径中分细履沙，波光潋处泛仙槎。
嚶鸣鹭鸟于谁说，劝下深蓝觅绮葩。

宋 剑(贵州·纳雍)

樟江荔波游

此来桥上望澄波，阵阵涟漪浮翠螺。
小子身旁低自语，切开碧玉看如何。

无 题

为君欲寄那些年，愁在深窗诗句眠。

无意秋声成快递，嘱君拆袋慎风寒。

匡天龙(广东·广州)

望黄果树瀑布

平踏清波望碧川，漫听九曲说从前。
唉声飞处云伸手，万缕情丝挂上天。

熊军辉(江西·丰城)

画堂春·游常熟沙家浜

街通远古客如龙，画船河水西东。
蓼湾荷淀觅英雄，烟雨朦胧。

穿过秋光隧道，漫钻芦荡迷宫。
诗情牵住柳杨风，人变顽童。

余宝义(浙江·开化)

冬夜探南湖

夜顾城南冬满湖，霓虹闪烁月光疏。
云生寒水银鳞渺，风拂微波碎雪铺。
尽扫灰容除旧貌，巧排清景展新图。
开阳俊美无伦比，尤谢骊龙吐此珠。

卜算子

秋老水波明，霜教花枝瘦。似洗
清空月色寒，少见星星走。老去
亦多情，情上碧霄九。耳畔升平雅颂
声，月下留连久。

